

明理續論序

示人與竟九十歲五不出行

南齊書宋景元本自餘杭節菴陶華述

昔朱肱奉議著傷寒百問書成經進授醫博士其書

付監刊行道遇豫章名醫宋道方因就質之宋為指

駁數十條肱罔然自失由是書監不刊事見續易簡

方雙鍾李知先又為歌括八韻二書吾鄉先輩例以

為活人之書按魏志佗傳云出書一卷此書可以活

人則活人之名所由始而仲景傷寒論是也宋李二

公雖知有仲景之書不能臻其闡奧未足以充活人

之名正統改元余遊京師遇臨江劉志善先生授書

明理續論

一卷指摘百問亦數十條携以南歸呈之松江趙景元先生奉議之書固未盡善而劉公所駁似爲大察前人無議爲也且仲景之書流傳既久魚魯實多微辭與旨之互見殘簡斷篇之後先朱公既未知其文又不知其證候然自漢魏以來高人逸士所著不傳于今者何可勝數因出示諸書曰郭白雲傷寒補亡龐安常卒病論韓祗和微旨楊仁齋傷寒類書王寔證治常器之楊大授凡此數種皆有功于仲景而東南醫流所未見也景元亦自編一書曰傷寒類例久未之成不以示人庚寅冬予病足不出戶庭數月因觀成無已明理論止五十證辨寃詳明惜其未備於是乃集所見所聞比類附例斟酌而損益之遂成一書名曰明理續論姑以自備遺亡非敢傳諸人也雖朱公百問積平生之勤尚不免後人之紛紜言之予實何人乃以數月而有所成蓋賴古人之成訓有以啓發之初學醫之士或有所得焉當有知予心者乃記其所由於卷首云



明理經論  
脈沉細與其他證狀亦自異也發熱惡寒身體疼痛  
或自汗或無汗是爲表證可汗不惡寒反惡熱口燥  
咽乾壯熱腹滿小便如常而大便秘結是爲裏證可  
下厥冷囊拳自利煩燥而無身熱頭疼是爲陰證可  
溫浮洪緊數此表病之脈沉實滑數此裏病之脈微  
細緩若此陰病之脈在表者邪傳於榮衛之間在裏  
者邪入于胃腑之內胃腑之下少陽居焉若傳之陰  
則爲邪氣入臟矣榮與衛俱爲表也亦均可汗也然  
有汗者爲傷風風傷衛氣則以桂枝助陽而汗之輕  
無汗者爲傷寒寒傷榮氣則以麻黃湯助陽而汗之

重榮衛固爲表也胃腑亦可以爲表也然以腑臟而  
分表裏則在腑爲之表在臟爲之裏胃取諸腑可以  
表言若合榮衛腑臟而分之則表者榮衛之所行裏  
者胃腑之所主而臟則又深于裏者矣審脈問證辯  
明定經真知其爲表邪則汗之真知其爲裏邪則下  
之真知其爲陰證則溫之表有邪則爲陽虛陰經受  
邪則爲臟病而溫裏之藥熱如此而汗如彼而下又  
如彼而溫桂枝承氣投之不差姜附理中發而必中  
大抵治傷寒有法投劑少差死生大見古人處方立  
論曰可汗曰可下曰可溫曰和解曰少與曰急下與

夫先溫其裏乃發其表先解其表乃攻其裏謂知奇者若網在綱有條不紊論至于此則知古人之大論甚嚴而汗下溫之法亦不可輕也信矣經曰傷寒六七日目中不了了無表證脈雖浮亦有可下者少陰病二三日無裏證亦有可汗者陰證四逆法當用溫而四逆散性寒豈可用哉曰醫在九流之中非圓機之士不足為語也脈雖浮而亦可下者無表證謂六七日不大便借使大便不難其敢輕下之乎少陰病亦有發汗者少陰本無熱反發熱而表猶未解故用溫藥微取其汗也借使身不發熱其敢輕汗之乎四

逆湯用姜附四逆散用枳柴一寒一熱病主四逆固不作矣然傳經之邪與陰經受邪初病便厥者不同四逆散用藥寒主先陽後陰也四逆湯用藥熱主陽不足而陰有餘也若張氏之論日數多則曰日數雖多但有表證而脈浮者猶可發汗日數雖少若有裏證而脈沉實者即瀆下之此日數之不可拘也至如陽極發厥陰極發燥陰證似陽陽證似陰差之毫釐繆以千里可不深思而熟慮也哉

陰陽虛實用藥寒溫辯

傷寒一書所謂陰陽虛盛則精微之義不無辯析於

其間四十八難曰病之虛實出者爲虛入者爲實蓋表之真陽既虛故陰邪以盛出而乘陽是以脉浮于外其病在表法當汗之當其陰邪出表脉浮于外之時不可自感以爲陽脉盛也裏之真陰既虛故陽邪以盛入而乘陰是以脉入于內其病在裏法當下之當其陽邪入裏脉實于內之時不可自感以爲陰脉盛也是說非古人之立言也蓋使人知如此之爲陰盛則抑陰而助陽如彼之爲陽盛則抑陽而助陰陰甚則邪出於外者發表之藥當性溫以助陽氣如桂枝湯之類是也陽盛則邪入于內者攻裏之藥當性

寒以抑陽氣如承氣湯之類是也或曰陰出而乘于外是陽之不足也陽病則當有以發表而汗之何哉是大不然陰邪傳于外不汗之則邪何由而去桂枝之性溫溫之乃所以助陽陽有所助而長則陰邪之所由以消辛甘發散爲陽者此也張氏所謂承氣入胃陰盛乃亡者正恐陰盛出外而誤以承氣下之安得而不亡或者有陽入而承于內是陰之不足也陰病則當有以溫養而下之何哉是又不然陽邪入于內不下之則邪從何而出承氣之性寒寒之乃所以抑陽陽受其抑則微而真陰之所由以長酸苦湧泄

為陰者此也張氏所謂桂枝下咽陽盛則斃正恐陽盛入內而誤以桂枝汗之又安得而不死觀古人發表之藥多溫攻裏之藥多寒則知陰陽虛實之意微非止於汗下設矣所以為用藥寒溫設也

六經用藥格法

太陽屬膀胱寒水非發汗不能愈亦有桂枝麻黃以助陽祛邪此膀胱寒水之經有標本之作風寒初客仍在表宜用辛溫之劑以發散之若無頭痛惡寒或非冬時皆不可用陽明屬胃非通泄不能痊必用大黃芒硝以疎利陽

熱此言表證已罷頭痛惡寒已除則熱歸陽明之本矣宜承氣湯寒劑以泄熱若惡寒未除則為表寒邪尚在不可下也冬時亦宜用不可拘忌少陽屬膽無出入之道柴胡半夏能利能汗消解血熱黃芩佐之

太陰脾土惟惡寒濕非乾姜白朮不能燥濕也少陰腎水惟惡寒燥非附子不能溫潤厥陰肝木藏血榮筋非芍藥甘草不能滋養此用藥經常之道也

陰陽虛盛用藥寒溫辯

夫傷寒發表攻裏之藥寒熱殊途用之一差死生反掌所以越人仲景深致意於其間也難經云傷寒陽虛陰盛汗之則愈下之則死陽盛陰虛汗之則死下之則愈且寒邪之傷人也有淺深焉淺者汗之深者下之此古今不易之定法也方其風寒初客皮毛之間陰氣乃盛閉塞腠理身中陽氣已虛不能禦衛遂有惡風惡寒之證見焉當此之時止宜桂枝湯辛甘溫之藥助陽抑陰而發之陰邪既散表氣冲和而愈經云辛甘發散為陽者是也不知用此而反以承氣湯苦寒之藥下之表裏俱傷不亡何待表邪既罷寒

作為熱陽陷入深而盛於裏則津液消耗腸胃燥澁而臟腑之真陰虛矣陰氣既虛即譫妄狂燥煩渴惡熱之病而作也當此之時宜用承氣湯苦寒之劑扶陰抑陽而泄去熱氣陽邪即退胃中真陰來復裏氣和平而愈內經所謂酸苦湧泄為陰者是也不知用此乃以桂枝辛熱之藥助邪伐正安有不斃者乎所以仲景云桂枝下咽陽盛則斃承氣入胃陰盛乃亡良以此夫嗚呼此論誠為傷寒汗下之樞機乎俗醫不能達此為妙昧于陰陽虛盛之道悖逆此理而不殺人也幾希經云發表不遠熱攻裏不遠寒豈虛語

哉

三陰三陽脉證

經云尺寸俱浮大者陽受病也當一二日發以其脉上連風府故頭項痛腰脊強傷寒則發熱惡寒傷風則鼻塞惡風然傷風有汗傷寒無汗

尺寸俱長者陽明受病也當二三日發以其脉夾鼻絡于目故身熱目疼鼻乾不得卧又曰不惡寒而作渴皆為在經不惡寒反惡熱自汗出大便難  
尺寸俱弦者少陽受病也當三四日發以其脉循脇絡於耳故腦脇痛而耳聾口苦咽乾目眩往來寒熱

而嘔此三經受病未入于腑者可汗而已

尺寸俱沉細者太陰受病也當四五日發以其脉布

胃中絡于嗑故腹滿而咽乾或腹痛手足溫自利不

渴

尺寸俱沉者少陰受病也當五六日發以其脉貫腎

絡于肺繫舌本故口燥舌乾而渴惡寒口中和默默

欲寐時時腹痛又咽痛三證

尺寸俱微緩者厥陰受病也當六七日發以其脉循

陰器絡于肝故煩滿而囊縮唇青舌捲筋急或渴不

欲食即吐蛔此三經皆受病也已入於腑者可下而

已此皆自陽經傳來者故宜下而去之非若陰經自中之寒此則為真陰證矣當用四逆湯輩溫之

汗下溫正法

太陽傷風自汗惡風桂枝湯傷寒無汗惡寒麻黃湯陽明不惡寒反惡熱自汗者大便難大柴胡湯小承氣湯汗不止者胃汁乾急下之大承氣湯無汗惡寒升麻葛根湯有汗脈遲微惡寒為表未解桂枝湯無汗脈浮而喘麻黃湯少陽證病屬小柴胡湯太陰自利不渴為臍寒理中湯四逆湯腦中脹滿枳

實理中丸脹滿脈浮桂枝湯脹滿時痛桂枝加芍藥湯痛甚桂枝加大黃湯少陰脈沉口不乾舌不燥皆惡寒小便清白四逆湯始得病脈沉反發熱麻黃附子細辛湯口燥咽乾而渴急下之大承氣湯六經中惟此一經難治大要以口燥而渴知其熱脈沉而遲別其寒厥陰脈微浮為欲愈不浮為未愈小建中湯脈浮緩如瘧狀桂枝麻黃各半湯脈沉短者囊必縮為毒氣入臍承氣湯下之利不止者四逆湯

傷風見寒傷寒見風脈證

熱盛而煩手足自溫脈浮而緊此傷風見寒脈也不煩少熱四肢微厥脈浮而緩此傷寒見風脈也

二者為榮衛俱病法用大青龍湯然不可輕用須風寒俱盛又加煩燥方可與之

一法以桂枝麻黃湯尤穩今改卷活湯

三陽合病

本太陽病若汗若下若利小便無津液胃中燥轉屬陽明是為脾約若惡寒用升麻葛根不惡寒反惡熱大便難白虎湯譫語者調胃承氣湯下之喘而腦滿者不可下麻黃湯太陽少陽頭項強急脇下硬滿目

眩往來寒熱小柴胡湯

少陽陽明本少陽病因為發汗利小便後胃中燥大便難屬調胃承氣湯

正陽陽明乃本經風盛氣實也大柴胡湯大小承氣湯選用之

三陽合病腹滿身重譫語遺尿口中不仁屬白虎湯口乾舌燥不仁背惡寒同太陽陽明少陽陽明正陽

陽明無表證者俱可下惟惡寒者為太陽陽明合病未過經為屬表可發汗桂枝麻黃各半湯蓋在經則

汗過經則下也

汗過經則下也

太陽陽明併病

本太陽病發汗則汗出不徹因轉出陽明續自微汗出不惡寒是併歸陽明也  
太陽證尚在桂枝麻黃各半湯太陽證也大小氣湯陽明證也黃芩湯

春溫變熱

溫熱病者及時感寒偶不即發寒毒藏於肌膚至春變為溫病夏變為暑病暑病者熱又甚於溫也溫病發於春三月夏至前是也發熱咳嗽頭疼身痛口燥渴脈浮弦熱甚者小柴胡湯熱微者升麻葛根湯解

肌湯微熱不渴小柴胡加桂枝渴者加五味渴者去

半夏加括蕞人參脈實煩渴者大柴胡湯微利之以

其脈實必大便難也虛煩者竹葉石膏湯然用羌活

湯解之為當渴加知母石膏

夏月熱病發熱頭疼身體痛重不惡寒而惡熱其脈

洪不可溫宜羌活湯渴加知母石膏三月至夏謂之

晚發梔子升麻湯有少陽證者小柴胡湯更于前方

內選用若春夏有惡風惡寒類傷寒證者蓋當時暴

中風寒之氣新病即非冬時受寒通用羌活湯治之

瘧

中理論言 卷六  
痲者先太陽中風重感寒溫所致經曰身熱足寒頸項強急惡寒時時頭熱面赤目赤獨頭面搖卒口噤背反張者痲病也桂枝加栝蒌湯主之傷風頭痛常自汗出而嘔者若汗之必發痲人發濕家汗亦作痲新產血虛汗出傷風亦作痲若其脉沉弦而遲或帶緊或散于指外皆惡候也痲重不惡寒而惡熱其相發熱無汗惡寒為剛痲葛根湯或麻黃葛根湯發熱有汗不惡寒為柔痲桂枝加葛根湯桂枝栝蒌葛根湯二痲通用小續命湯剛痲為陽去附子柔痲為陰去麻黃剛痲腦滿口噤咬牙脚攣卧不着席大承氣

湯下之柔痲桂心白朮湯附子防風湯白朮散桂枝煮散選用

風溫濕溫

風溫尺寸俱浮素傷於風因而傷熱風與熱搏即為風溫其外證四肢不收身熱自汗頭疼喘息發渴昏聩或體重不仁慎勿發汗汗之則譫語煩燥目無精彩病在少陰厥陰二經歲時湯人參敗毒散葛根龍膽湯小柴胡湯選用未醒者柴胡桂枝湯身重汗已身灼熱知母葛根湯渴甚栝蒌根湯脉浮身重汗出漢防已湯誤汗風溫防已黃耆湯

濕溫寸濡而弱尺小而急素傷於濕因而中暑濕與熱搏即爲濕溫其狀胸腹滿目痛壯熱妄言自汗兩脛逆冷攣急惡寒若發其汗使人不能言耳聾不知痛處其身青而色變醫殺之耳入冬頭暈目眩濕溫太陽經用白虎蒼朮湯加桂枝濕勝則一身盡痛發熱身黃小便不利大便反快五苓散加茵陳臟腑虛自利甚理中湯朮附湯而專熱風與濕相搏

### 風濕中濕

風濕脉浮先傷濕而後傷風也其證肢體腫痛不能轉側額上微汗惡寒不欲去衣大便難小便利熱至

日曠西而劇治法但微解肌若正發汗則風去濕在  
非徒無益而又害之解肌用麻黃杏子薏苡甘草湯  
白朮防已黃耆湯不嘔不渴脉浮虛者桂枝附子湯  
濕多身痛小便自利甘草附子湯煩渴小便不利五  
苓散外不熱內不渴小便自利朮附湯緩若昏迷腹  
滿身重自汗失音下利不禁白通湯加白朮去甘草  
身腫痛微喘惡風杏仁湯人參敗毒散通用熱而煩  
渴者加括蕒若誤下之小便必不利可五苓散中濕  
小便不利大便自利甘草附子湯五苓散大小便皆  
利則與朮附湯身體痛或鼻塞小建中湯加黃耆

溫毒者冬月感寒毒異氣至春始發也表證未罷毒  
 氣不散故有發斑之證心下煩悶嘔逆咳嗽後必下  
 利寸脈洪數尺脈實大為病則重以陽氣盛故耳治  
 法通用玄參升麻湯黑膏主之詳見發斑條中  
 中暑脈虛而伏身熱背惡寒面垢自汗煩燥大渴毛  
 聳惡寒昏昏倦怠而身不痛與傷寒諸證不同矣內  
 外俱熱口燥煩渴四肢微冷而身不痛用白虎湯痰  
 逆惡寒橘皮湯熱悶不惡寒竹葉石膏湯頭痛惡心  
 煩燥心下不快小便不利五苓散下消暑九中暑用

小柴胡湯最良脈孔遲腠理開洒然毛聳口齒燥白  
 虎加人參湯霍亂煩燥大渴腹痛四肢冷脚轉筋以  
 黃連香薷湯

此論發熱之六大本原其相與變者大柴胡湯

夫翕翕然而熱者表熱也有蒸蒸而熱者裏熱也其  
 屬表者風寒客於皮膚邪氣拂鬱于外表熱而裏不  
 熱也其屬裏者陽氣下陷入於陰中裏熱甚而達表  
 也其在半表半裏者以表熱未罷邪氣傳裏裏未作  
 實則表裏俱熱而但輕于純在裏也太陽厥陰皆不  
 發熱惟少陰反有發熱之證或其脈沉或下利手足

冷為異耳雖然傷寒發熱病之常也脉陰陽俱虛熱不止者汗後復發熱脉燥疾下利者皆不易治其可例視之手

太陽病發熱頭疼惡寒有汗桂枝湯惡寒無汗麻黃湯

傷寒六七日目中不了了無表裏證大便難身微熱此為實急下之大承氣湯脉浮數者大柴胡湯

陽明病發熱汗出脉浮數實者調胃承氣湯脉浮桂枝湯汗多者胃汁乾急下大承氣湯

中風發熱六七日不解而煩有表裏證渴欲飲水水

入即吐名曰水逆五苓散脉浮而大其人發熱煩渴

小便赤表裏俱見五苓散

少陽發熱脉弦細而嘔小柴胡湯

少陰反發熱有二病脉沉者麻黃附子細辛湯下利

厥逆裏寒外熱脉不出者通脉四逆湯

脉浮熱甚反灸之因火而動必咽燥吐血四逆湯脉

浮大遲表熱裏寒下利清穀四逆湯發熱口乾鼻燥

能食者黃芩湯

脉浮發熱無汗而渴表未解也小柴胡湯加入參括

蕤湯壯熱頭痛心中煩者梔子黃芩湯汗下後有熱

大汗則損氣氣損則陽微故脉虛而惡寒大下則傷  
 血血傷則陰弱故脉澹而發熱誤汗誤下皆有此耳  
 且陰以陽為主陽以陰為根下之亡陰矣陰無所主  
 邪氣搏之血虛乃發熱也遠因並發發熱口燥身熱  
 太陽病發汗遂發熱惡寒小柴胡湯蒸蒸而熱者屬  
 胃調胃承氣湯不出者麻和四逆散  
 下後陰弱而發熱是為內熱葶藶苦酒湯若脉浮則  
 汗之麻黃湯脉實則下之大柴胡湯大下後身熱不  
 去心中結痛者未欲解梔子豉湯發汗又復下之惡  
 寒發熱無休止時小建中湯而大其人發熱

傷寒以固藥下之身熱不去微煩者梔子乾姜湯又  
 下後身熱不去心中結痛者梔子豉湯瘥後勞復發  
 熱小柴胡湯脉浮者當汗解柴胡桂枝湯脉沉者當  
 下解調胃承氣湯惡寒無汗身熱者  
 下利腹反痞滿者生姜瀉心湯小便不利麥門冬湯  
 食後發熱梔子豉湯加大黃病後虛羸微熱不去者  
 竹葉石膏湯渴者  
 其發頭痛至胸中而氣逆者麻黃湯又下  
 大凡頭痛屬三陽乃邪氣上攻也太陽專主頭痛陽  
 明少陽亦有之三陰絡上不過頭惟厥陰循喉嚨之

後上連目系項顛故有頭痛乾嘔吐涎沫之證却無  
 身熱亦與陽證不同雖然風濕在少陰濕溫在太陰  
 其經從足走至胸中而還及頭痛過於陰壅是又不  
 可拘也若兩感于寒太陽少陰俱病則頭痛口乾煩  
 滿而渴與夫頭痛極甚又連于腦手足寒者則為真  
 頭痛不可治矣春主養氣心火小則不寐麥門冬  
 太陽病頭痛發熱惡寒無汗麻黃湯有汗桂枝湯已  
 發汗未發汗頭痛如破者葛根葱白湯葛根湯  
 太陽病下之脈細數者頭痛未止連翹葱白湯連翹湯  
 陽明頭痛不惡寒反惡熱六七日不大便胃實氣攻

於上也少與調胃承氣湯承氣湯  
 少陽頭痛脈弦發熱小柴胡湯柴胡湯  
 濕家頭痛鼻塞瓜蒂末納鼻中黃水出立愈  
 痰涎頭痛腦滿寒熱脈緊瓜蒂散吐之  
 厥陰頭痛乾嘔吐涎沫吳茱萸湯吳茱萸湯  
 頭痛收熱心煩梔子黃芩湯梔子黃芩湯  
 天行勞復頭痛四肢痛葱頭湯葱頭湯  
 大項強大項強  
 項背強者太陽表邪也發散則解結腦項強有下之  
 證寒濕項強則成瘕見本條臨病宜審



若吐若下後七八日不解表裏俱熱時惡風大渴舌  
乾燥而煩白虎加人參湯

汗不止必惡風煩燥不得臥先防風白朮牡蠣湯次  
小建中湯風濕惡風不欲去衣骨節煩疼不得屈伸

汗出短氣小便不利或身微腫甘草附子湯  
脈浮身重汗出惡風防已黃耆湯

發不惡寒辨

惡寒者不見風亦惡寒身雖熱亦不欲去衣被其風  
寒客于榮衛陰氣上入陽中則洒淅而惡寒也經曰  
發熱惡寒者發於陽也無熱惡寒者發於陰也謂如

或已發熱或未發熱必先惡寒而繼之以發熱此則  
發於陽也若初病惡寒而倦脈沉細而緊此則為熱  
發於陰也在陽則發汗在陰則溫裏或下證悉具而  
微惡寒者是表猶未解當先解表而後攻裏若少陰  
病惡寒而倦手足厥冷自利燥煩脈不至者又為不  
治之證

治之證  
太陽病發熱或未發熱惡寒有汗桂枝湯無汗麻黃  
湯

病發熱惡寒熱多寒少脈微弱者無陽也不可發汗  
越婢湯

陽明病固宜下微惡寒者係與太陽合病在經屬表可發汗麻黃湯若脈遲汗多微惡寒者表未解也雖陽明證可桂枝湯

少陽病頭汗出微惡寒柴胡桂枝湯  
發熱汗出後惡寒而嘔但心下痞者五苓散發汗後惡寒者虛也芍藥附子甘草湯  
惡寒脈微而復利正亡血也四逆湯加人參汗後惡寒脈細數浮遲嘔不止理中丸  
大下後復發汗心下痞而惡寒表未解也當先解表桂枝湯後攻痞三黃瀉心湯

太陽病下後脈促胸滿者桂枝去芍藥若微惡寒者桂枝加芍藥附子湯  
少陰病脈沉細惡寒者四逆湯  
若下利惡寒而倦手足溫者小建中湯若惡寒而倦時時自煩不欲厚衣大柴胡湯

亡血家不可發汗汗之則寒慄而振小柴胡湯芍藥湯  
脈弱者不可發汗汗之則寒慄不能自還當歸四逆湯

背惡寒

背爲陽腹爲陰背惡寒陽不足也陽不足則陰氣盛  
陰氣盛者口中和陽氣內陷者口乾燥附子白虎宜  
如詳審不可發平平之限寒熱不論自發當辨四  
口中和背惡寒者屬少陰附子湯及灸氣海陽氣內  
陷口乾燥背惡寒白虎湯寒熱而兼小柴胡

辨寒熱不論氣寒大柴胡湯

寒熱往來者陰陽相勝邪正相爭而作也蓋陽不足  
則陰邪出於表而與之爭故陰勝而爲寒陰不足則  
陽邪入於裏而與之爭故陽勝而爲熱邪居表多則  
多寒邪居裏多則多熱邪在半表半裏則寒熱相爭

乍往乍來而問作也小柴胡湯專主寒熱寒多者加  
桂熱多者加大黃是大法也柴日調劑熱氣實則  
大陽病八九日如瘧狀發熱惡寒熱多寒少不嘔清  
便可可三日二三度發桂枝麻黃各半湯脈微緩者  
不可汗宜越婢湯熱未入和散帶表限去當味補其

病至十餘日熱結在裏往來寒熱大柴胡湯而味去

心煩發嘔腦膈滿不欲食寒熱往來小柴胡湯

汗下後不嘔不渴頭汗出腦膈滿小便不利寒熱往

來柴胡桂姜湯調劑熱入血室小柴胡湯

熱多寒少尺脈遲者榮血不足黃耆建中湯脈浮大

寒熱往來宜祛邪凡婦人中風七八日續得寒熱發  
作有時經水適斷為熱入血室小柴胡湯

潮熱屬陽明陽明旺於未申一日午發日晡而作也  
邪入胃腑為可下之證設或脉浮而緊潮熱而利或

小便難大便溏者熱未入腑猶帶表邪先當和解其  
外如小便利大便硬方可攻之若潮熱於寅卯寅卯

則屬少陽潮於巳午則屬太陽是又不可不辯  
病人煩熱汗出則解又如瘧狀日晡潮熱脉實可下

小承氣湯或大柴胡脉虛者不可下桂枝湯

陽明病潮熱大便微硬者大承氣湯

陽明病脉浮而緊必潮熱發作有時但脉浮者必盜  
汗出柴胡桂枝湯

腹滿不大便潮熱小承氣湯微利之

似瘧一名瘧狀作止有時非若寒熱往來無定也  
大陽似瘧脉伏洪桂枝湯清便自可不嘔一日二三

度發桂枝麻黃各半湯  
陽明似瘧煩熱汗出日晡發熱脉浮桂枝湯脉實承

氣湯

婦人熱入血室其血必結亦如瘧狀小柴胡湯

熱多寒少陽乘陰也若尺脈遲爲血少先以黃耆建中湯養其榮衛脈不遲却以小柴胡湯桂枝二越婢湯選用之規大柴胡湯黃耆白芍不遲一日二三厥陰脈浮緩囊不縮必發熱惡寒似瘧爲欲愈桂枝麻黃各半湯溫瘧其脈如平身無寒但熱骨節煩疼時嘔白虎湯加桂渴者柴胡加人參括萎湯

無汗

無汗寒邪中經腠理閉密津液內滲而無汗也若風暑濕干之則自汗出矣當汗之證與麻黃湯三劑而

不得汗者此又不可療也

太陽當熱無汗頭痛麻黃湯

項背強兀兀無汗葛根湯

剛痊發熱惡寒無汗葛根湯或小續命湯

脈浮發熱無汗表不解者麻黃湯汗不止白虎湯

渴欲飲水無表證者白虎加人參陽明反無汗脈浮

而喘者麻黃湯若無汗小便不利心中懊懣身必發

黃五苓散加茵陳

自汗

衛氣者所以肥腠理而固津液者也衛爲邪所干不

能衛護於外由是而汗出焉且自汗者有表裏虛實之分若自汗出惡風寒爲表未解當解肌以致汗泄惡風與汗後惡寒皆爲表虛必用溫劑若汗出不惡風寒則爲表解裏未和從下之設或汗出髮潤如油如珠凝而不流皆不可治也

太陽中風自汗脈浮緩桂枝湯

自汗出小便難而用桂枝惟加芍藥甘草

自汗出小便不數心煩微惡寒脚攣急桂枝附子湯  
陽明汗多而渴發熱譫語大便硬調胃承氣湯

太陽病發汗遂漏不止惡風寒桂枝附子湯

若小便自利而汗出爲津液少不可攻利宜蜜導煎通之若汗多者胃汁乾急下之大承氣湯

汗多而渴勿用五苓散

汗不止無他證者溫粉撲之服桂枝湯大汗出煩渴不解脈洪大者白虎加人參

下後不可更用桂枝湯

若汗而喘無大熱者麻黃杏仁甘草石膏湯

諸陽經絡循於頭三陰則至項而還頭汗者邪搏諸陽則汗見於頭也若遍身汗者爲之熱越令熱不得

越而陽氣上騰津液上騰故但頭汗耳夫表虛則不可下內澗則不宜汗頭汗之證更不可再汗也其或瘀血在裏與夫熱入血室虛煩水結皆令頭汗此為熱鬱於內而上達或吐或下以去其邪設或小便不利內外關格而頭汗則為陽脫誤下濕家額上汗出而喘小便難小便利亦為陽脫二者皆不瘳矣百問表實裏虛故頭汗不可下發黃頭汗及項而止小便難引水漿此濕也茵陳蒿茵陳五苓散

心結胸心忪滿無大熱頭汗出半夏茯苓湯  
 澹語頭汗是為血熱屬陽明用承氣湯若心中懊憹

而頭汗者梔子豉湯

半表半裏有柴胡證並小柴胡湯熱寒往來微惡寒為表脇下滿大便堅為裏

四肢者諸陽之本熱聚於胃則津液傍達于手足也

蘊熱則燥煩譫語袞袞則水穀不分是又承氣理中之不同

陽明病手足熱兼汗出譫語大便難與承氣湯

陽明中寒不能食小便不利手足汗出大便初硬後溼水穀不分與理中湯一法用猪苓湯

盜汗者睡著則汗出覺則便不出矣雜病責於陽虛

傷寒責在半表半裏故知膽有熱也  
陽明病脉浮緊潮熱盜汗柴胡桂枝湯

脉浮大欲眠目合則汗小柴胡湯又柴胡桂枝湯

邪熱傳裏不經發汗吐下則為煩熱與發熱似同而

異經曰病人發熱汗出則解如未作膈熱但當和解

微熱而已若心下滿而煩則有吐下之異宜別其證

之虛實而為劑之輕重也先煩而悸者為實先悸而

煩者為虛虛煩而心中欲嘔吐鬱悶之狀

太陽病心煩自汗小便數者不可與桂枝湯宜芍藥

甘草湯服桂枝湯後出汗後煩渴者脉洪大白虎加

人參湯

陽明病心煩喜嘔壯熱往來心下悸小便不利小柴

胡湯加茯苓傷寒二三日心中悸而煩小建中湯

發汗後解半日許復煩脉浮數者可更發汗桂枝湯

芎而煩渴者飲則吐水五苓散不愈竹葉石膏湯

下後晝煩夜靜不渴不嘔無表證脉微沉乾姜附子

湯若慎懷與梔子豆豉湯

若發汗若下之病仍不解而煩燥者茯苓四逆大下後六七日不大便不解腹滿痛者有燥屎大承氣湯吐汗下後虛煩心下痞滿氣上衝頭眩身為振搖茯苓桂枝白朮甘草湯

入參煩燥

煩為擾亂而燥為憤怒燥為先煩而漸至燥也傷寒煩燥則有陰陽虛實之別心熱則煩陽實陰虛腎熱則燥陰實陽虛煩則熱之輕燥則熱之甚也有邪在

裏而煩燥者有不煩便作燥悶者此為陽盛隔陰欲於泥水中卧飲水不得入口也

其或結胃證共而煩燥吐利四逆湯煩燥下利發熱厥逆煩燥不得眠惡寒燥攣脈不出而燥者皆為不可治矣

太陽中風脈浮緊熱而惡寒身疼痛不汗出而煩燥大青龍湯

得病二三日脈弱無太陽證柴胡湯

證煩燥心下硬能食小承氣湯微和之心中悸而煩燥者小建中湯

惡風自汗脉濡弱而煩燥者皆宜用此法  
但發熱六七日渴欲飲水者五苓散無熱但狂言煩  
燥者五苓散水調服探吐之

陽明病不大便繞臍痛煩燥承氣湯下之

少陽吐利厥逆煩燥欲死吳茱萸湯不下出而厥熱

厥逆脉沉自利煩燥不得眠黃連雞子湯黃連阿膠

湯無熱不尋用藥數學祖不出而熱者皆為不

下後復發汗晝則煩燥不得眠夜而安靜不嘔不渴

無表證脉沉微身無大熱乾姜附子湯

發汗若下之病仍在不去煩燥者茯苓四逆湯

陰極發燥或陰毒火邪投執藥及劇者不可用涼藥  
燥甚仍與熱劑用四逆湯葷

懊懣

懊懣者心中懊懣懣懣鬱悶不舒之貌蓋由表證誤

下正氣內虛陽邪內陷結於心胸之間甚則為結胸

也邪在心胸則宜吐熱結胃腑則宜下不可拘也發

汗吐下之後虛煩不得眠甚則反覆顛倒心中懊懣

梔子豉湯舌上白胎肌不能食虛煩不眠頭汗懊懣

上同無汗小則不寐心中懊懣者必發黃宜四逆湯

短氣煩燥咽硬胸中懊懣大陷胸湯

陽明病下之後懊憹而煩中有燥屎宜承氣湯

陽明無汗小便不利心中懊憹者必發黃且茵陳蒿

湯下利身痛身痛

身痛太陽表證也雖曰表邪未解而有發汗溫經先

後之不同自利脉沉為陰病身痛其身重者屬乎陽

明為有風也又有陽邪內行不榮於表是又不可不

知

太陽身痛脉浮緊無汗麻黃湯或尺脉遲為無血先

用小建中湯候尺脉浮却用麻黃湯

下利脉沉身痛宜四逆湯霍亂後身痛不休桂枝湯

發汗後身痛脉沉遲桂枝芍藥人參湯

一身盡痛發熱面黃七八日後結熱在裏乃攻其表

溫裏四逆湯攻表桂枝湯

霍亂後身痛不休桂枝湯

濕家身疼痛不可發汗發汗則成痙葛根桂枝湯

凡中濕身痛有本條

四肢拘急

拘急者手足不能自如屈伸不便如蹇卧惡風之貌

四肢者諸陽之本蓋因發汗亡陽陽虛是有其證也

傷寒脈自汗出小便數心煩惡寒腳攣急乃藥甘草湯小便難者桂枝加附子中不可改誤因惡風之脈太陽病發汗遂不止惡風小便難四肢微急難以屈伸桂枝加附子湯

吐利汗出發熱惡寒四肢拘急手足厥冷四逆湯

咳者膈欬俗謂之嗽肺主氣肺為邪所乘氣逆而不下也故令咳嗽有肺寒而咳者有停飲而咳者有邪在半表半裏而咳者治各不同其水咳三證不可不辯小青龍太陽之表水也十棗湯太陽之裏水也直

武湯水證之水氣也蓋水與表寒相合而咳則小青龍當汗之水與裏寒相合而咳則真武湯溫之裏癰合水動肺而嗽十棗湯所以下之也

太陽病身熱咳嗽乾嘔喘而利小青龍湯有加減法惡寒身痛只依本方身涼咳嗽乾嘔為利心下痞滿引脇下痛十棗湯當下之其水寒者心下痞中寒以四肢痛重腹痛下利咳嗽或嘔真武湯有加減之法少陽病寒熱往來胸脇硬滿而痛咳嗽小柴胡湯有加減之法

少陽咳嗽四逆湯腹痛下利咳嗽中滿而嘔大半夏

湯  
傷寒發喘有邪在表者有邪在裏者有水氣者在表者心腹濡而不堅死證無汗法當汗之在裏者心復脹滿外證有汗法當下之其水氣者心下怔忡是以有青龍湯之證或注喘小汗出而喘宜發之雖然喘特病之常也其或直視譫語汗出髮潤身汗如油皆不可治

不可治  
太陽病無汗而喘麻黃湯  
真丸散之重  
陽明病汗出不惡寒短氣腹滿潮熱而喘小承氣湯

太陽陽明合病喘而胸滿不可下宜麻黃湯

誤下大陽利不止脈促有汗而喘葛根麻黃黃芩湯  
無汗而喘麻黃杏仁甘草石膏湯  
水氣喘咳乃太陽汗後飲水多而水停心下小青龍湯去麻黃加杏仁小腹滿者去麻黃加茯苓陰病喘促者及陰丹

氣逆

氣逆者氣自腹中時時上衝也蓋因太陽病下之表邪乘虛傳裏裏不受邪則氣逆上行仍在表也當復汗之厥陰客熱氣上衝心此熱在裏而氣上也若病

如虛羸少氣氣逆欲吐者又動氣發汗而氣上衝者此正氣虛而氣逆也當依法調治之脈沉緊者不可汗逆氣虛自動中氣弱上澹也蓋因太陽病下之太太陽病下之後其氣上衝者可與桂枝湯不上衝者不可與之病如桂枝證頭不痛項不強寸脈浮微腦中痞硬氣上衝咽喉不得息此爲腦中寒瓜蒂散吐之脈微者不可吐吐則心口逆清氣上衝腦起則頭眩脈沉緊發汗則動經身爲振搖茯苓白朮桂枝甘草湯大湯味不上衝者宜用黃芩芍藥湯

動氣發汗氣上衝者李根湯

病後虛羸少氣氣逆吐者竹葉石膏湯

短氣

之又麻杏木不

下

短氣者呼吸短促而不能相續也于金少氣不足以息也金匱要略曰短氣不足以息者實大抵心腹脹滿而短氣者邪在裏而爲實心腹濡滿而氣短者邪在表而爲虛又有停水心下亦令短氣隨證攻治無不愈矣

短氣潮熱腹滿而喘此爲外欲解而裏欲實大柴胡湯小承氣湯

風濕相搏汗出短氣小便不利惡風不欲去衣其邪

在表甘草附子湯氣小則不寐惡風不殆去其邪  
食少飲多水停心下短氣小半夏湯

身涼乾嘔短氣汗出不惡寒此表解裏有水木聚湯  
誤下太陽短氣煩燥心中懊憹便為結胸大陷胸湯

及老而為虛又言水心下木令逆氣逆文命無  
飲而逆乾言津液裏而為實少則飲而尿逆言津

邪熱聚於胃腑消耗津液故口乾熱而渴也經曰少  
陰病故口燥咽乾者急下之若不口燥咽乾而渴脈

沉者急溫之又有漱水下不咽者若見表證必衄為  
邪熱在經也以血氣俱多經中熱甚迫血妄行而作

衄者無表證加之腦腹滿而如狂者又為畜血在內  
者出於厥感其音白氣味入參

陽明口燥咽乾無大熱背微惡寒煩渴白虎加人參  
湯

少陽口燥咽乾小柴胡湯  
少陰口燥咽乾而渴急下之用承氣湯

陽明病口燥欲漱水不嚥者必衄黃芩芍藥湯漱水  
不咽發狂輕者犀角地黃湯甚者抵當湯

渴者裏有熱也津液為熱所耗故令渴也傷寒六七

日傳至厥陰爲消渴者渴飲水多而小便少乃熱能  
消水也朱氏曰脉浮而渴屬太陽有汗而渴屬陽明  
自利而渴屬少陰至於厥陰則又熱之極矣太陽無  
汗若渴忌白虎宜柴胡湯陽明多汗而渴戒五苓宜  
竹葉石膏湯若先嘔後渴則爲欲解當與之水先渴  
後嘔則爲水停屬赤茯苓湯當從此議勿令悞也  
太陽病發渴脉浮表不解心下有水氣小青龍湯去  
半夏加瓜蒌服桂枝湯有逆惡寒者白芍加人參  
汗出後煩渴甚者白虎加人參湯表語必動  
小便不利而渴五苓散而飲水者又益黃芩去

身熱惡風手足溫脇滿而渴小柴胡去半夏加瓜蒌  
陽明發渴則有汗脇下硬不大便而嘔舌上白胎小  
柴胡湯加減同用帶葉宜  
若汗少小便不利脉浮而渴五苓散渴而飲水嘔者  
發黃頭汗出小便不利渴飲水漿茵陳蒿湯茵陳五  
苓散

少陽發汗則自利咳而嘔引水飲猪苓湯

下利渴欲飲水白頭翁湯

下利脉數而渴者自愈不愈必下清血宜黃芩散

病人脉微細欲吐不吐心煩但寐小便白下利而渴

四逆湯治之水白頭眩是也大陽有汗而渴風陽

少陽毒腫自眩望而暈耳木者飲本藥天大陽

發黃腦脇滿痛則不味飲增水紫茵刺膏也飲則正

腦滿者腦膈間氣塞閉也非心下滿者脇肋下氣填

脹滿也非腹中滿蓋邪自表傳裏必先自腦脇以至

心腹而入胃是以腦滿多帶表證宜發汗脇滿者多

在半表半裏之間宜和解至於邪結胸中而爲實者

又瀉湧吐之也血結胸而爲小柴胡去半夏

太陽病下後脉促腦滿桂枝去芍藥湯病在於胃氣

芍藥入榮故去之白頭眩則少下頭暈不可下下

陽明病喘而腦滿猶帶表證不可下與麻黃湯麻黃

杏仁甘草石膏湯下而心下硬者發熱日晡人手足

腦脇俱滿或脇下硬痛或嘔吐舌上白胎或不大便

並屬小柴胡湯

傷寒五七日往來寒熱腦脇若滿默默不飲食心煩

喜嘔或脇下痞硬柴胡加牡蠣湯

傷寒七八日下之腦滿煩警小便不利譫語一身盡

痛不可轉側柴胡加龍骨牡蠣湯腦中痰實瓜蒂散

吐之腦膈不快填滿閉塞唇青手冷脉細沉少情緒  
或腹痛此名太陰阻滯厥逆心胃不味諸證一良盡

經曰病發於陽而反下之熱入因作結胸註曰發熱

惡寒者發於陽也外證項強心下滿硬而痛是也此  
爲實邪在裏法當下之若脉浮大若表證若水氣填  
不可下亦有不因下而心下硬滿者經曰病人手足  
厥脉乍緊邪結胸中心滿而煩飢不欲食當吐之是  
則病在胸中也經曰陽明病心下硬滿不可下下之  
利不止而死是則邪氣自表傳裏留於心下未全爲

實法當吐之故有此戒其或結胸證具而煩燥者不

治不瀉而攻下故曰支離榮氣其文

結胸寸脉浮關尺皆沉緊宜下若脉浮大或有表證  
先用小柴胡湯表已解下之太結胸不按而痛連臍  
腹痛硬不可大陷胸湯或太峻用丸

小結胸按之而痛心下硬小陷胸湯

熱實結胸懊憹煩渴心下痛少與大陷胸湯

寒實結胸無熱證三物白散枳實理中丸

痞

經曰病發於陰而反下之因作痞註云無熱惡寒者

發於陰也。輕於結胸者，心下滿而不痛，按之則濡，是其虛邪留滯，故但滿而不痛也。惟枳桔最良，欲攻之，其從表證解而後可。白濁實里中

痞者，關脈多沉，枳實理中丸半夏瀉心湯，關脈沉者，三黃湯瀉其肝，若惡寒者，附子瀉心湯服此湯，痞不去，煩渴小便不利，五苓散。太陰用

下後復汗，心下痞而惡寒，表不解，不可攻痞，先與桂枝湯，表解乃攻痞，三黃湯。宜可散

表未解而心下妨悶，曰支結，柴胡桂枝湯，胸脇滿而微結，小柴胡湯加乾姜牡蠣，表證未罷，因攻之，脇熱

而利，心下硬為表裏俱病，桂枝人參湯

下利，心下痞硬，乾噎食臭，腹鳴，甘草瀉心湯，生薑瀉心湯，治法通用桂枝人參湯，若下利不止，則治下焦赤石脂禹餘糧湯，又不止，只利小便，五苓散，發熱不解，嘔吐不利，心下痞硬，大柴胡湯，吐汗下後噎氣痞硬，旋覆代赭湯

若咳逆氣虛，用四逆湯

胃寒先宜理中丸，後用旋覆代赭湯

腹滿

脾為中央之土，所以腹滿多屬太陰也，常病者為表

實從下之時減者為裏虛當溫之若解表內不消非  
 大瀉尤生寒熱朱可下是邪全未入腑若大瀉大實  
 兼有燥屎雖得之四五日亦為可下謂邪已入腑也  
 大抵陽執為邪則腹滿而咽乾陰邪為寒則腹滿而  
 吐利食不下若雖經吐下後而腹滿者治法又各不  
 同是又不可不知也  
 大陽誤下因時腹滿而痛桂枝加附子湯痛甚桂枝  
 加大黃湯  
 陽明發熱腹滿微喘口苦咽乾或不大便譫語者並  
 小柴胡湯噦而小便難加茯苓

三陽合病腹滿身重難以轉側譫語口中不仁小柴  
 胡湯有汗白虎湯

大陰腹滿吐食不下枳椇理中丸  
 少陰病六七日腹脹滿不大便急下之大承氣湯  
 腹滿痛者脾不勝水水與氣搏皮肉之間腸中漉漉  
 有聲小半夏茯苓湯加桂枝下利腹滿身疼痛先溫  
 其裏四逆湯後攻其表桂枝湯  
 發汗後腹滿當溫厚朴半夏生姜人參湯吐後腹滿  
 當下少與調胃承氣湯下後腹滿宜梔子厚朴湯腹  
 脹滿者陰陽不和桔梗半夏湯

腹痛

邪氣入裏與正氣相搏則爲腹痛蓋陽邪傳裏而痛者其痛不常當以辛溫之劑和之陰寒在內而痛者則痛無休時欲作利也當以熱劑溫之有燥屎宿食爲痛者則煩而不大便腹滿而痛也則後用下經曰諸痛爲實痛隨利減此皆爲裏證而所治各不同矣又當隨證施治

也四逆湯

傷寒四五日腹中痛若轉氣不趣小腹者此欲自利也四逆湯

并四逆散

下利青穀脈微欲絕通脈四逆湯腹痛小便不利真

武湯

腦中熱胃中有邪氣腹痛欲嘔吐者黃連湯

大便實痛者閉脈實腹滿不大便桂枝加大黃湯大  
小承氣湯選用之

小腹痛

小腹痛者臍下滿是也若臍滿心下滿腹滿皆爲邪氣而非物今小腹痛皆爲有物而非氣小便利者則爲畜血之形小便利者乃是溺瀉之證滲利之劑

宜分兩途經曰病人素有痞氣連在臍傍痛引小腹  
入陰筋者名臟結也死

太陽病不解熱結膀胱其人如狂小腹急結桃仁承  
氣湯

太陽病六七日表證在脈微沉不結胸發狂小腹硬  
滿小便自利抵當湯  
太陽病日黃脈沉結小腹硬小便不利者五苓散陰  
陽易小腹痛燒視散

病者手足厥冷真武湯不結胸小腹滿按之痛者此  
冷結在膀胱關元宜灸關元穴

嘔吐

嘔者聲物俱出者也吐者無聲而但出物者也故仲  
景復重言乾以別之則嘔爲有物明矣乾猶空也但  
空嘔而無所出耳然嘔吐俱有物出較之輕重則嘔  
甚於吐蓋表邪搏裏裏氣上逆故嘔吐而水穀不下  
也有胃熱脈弦數口舌煩渴有胃寒脈弦遲逆冷不  
食小便利有水氣先渴後嘔膈間怔忡有懷血喉中  
腥奔逆上衝不須治之嘔膿盡自愈是四者不可不  
辯大抵邪半在表半在裏則多嘔吐及其裏熱而嘔  
吐者亦有之故經曰嘔多雖有陽明證不可攻之爲

其氣逆未收欲爲實也設或嘔而脈弱小便復利身  
惟熱而見厥者難治以其虛寒甚也又其裏熱而  
太陽少陽合病自利而嘔黃芩加半夏生薑湯  
太陽陽明合病當自利若不利但嘔葛根加半夏湯  
傷寒胸中熱胃中有積氣腹痛氣逆欲嘔吐者黃連  
湯以蓋表邪熱裏實屎土並結也而水速下  
太陽病發熱汗出心下煩鬱痞硬不利嘔吐大柴胡  
湯以重言瀉以解之限即急下也即矣薄餘空也  
三陽發熱而嘔逆小柴胡湯嘔而渴者猪苓湯五苓  
散

先嘔後渴此爲欲解宜與水解先渴後嘔而水停心  
下未茯苓湯

少陰病又吐但欲寐五六日自利而渴小便色白四  
逆湯加生薑  
少氣或咳或悸身痛自利真武湯去附子加生薑膈  
正寒飲乾嘔吐涎沫四逆湯

若吐利手足厥冷煩燥甚者吳茱萸湯  
食穀欲嘔者屬陽明也上同得湯反劇者屬上焦橘  
皮湯小柴胡湯似嘔似噓似喘心下憤憤大橘皮湯  
汗下後關脈遲緩而吐爲胃寒理中丸

瘵後虛煩嘔吐竹葉石膏湯加生姜汁屢經汗下食  
氣膈塞食入即吐乾姜黃芩黃連入參湯大蘇飲  
汗後水藥不入口者四逆半夏茯苓湯金匱要略曰  
諸嘔吐穀不下半夏湯嘔吐脈滑數或洪發熱茅根  
湯表證在裏也或水四逆散

乾嘔

短刺良藏自味真丸散去切干吐生姜湯

乾嘔者嘔而無物出也大抵熱在胃脘與穀氣并熱

氣上薰心下痞結則有此證太陽汗出乾嘔桂枝湯  
主自汗也少陰下利乾嘔姜附湯主下利也厥陰吐  
沫乾嘔吳茱萸湯主涎沫也邪去則吐自止矣若有

水氣一證又當以表裏別之

傷寒表不解而心下有水氣乾嘔身熱微喘或自利

小青龙湯主之

不發熱不惡寒助痛欬而利乾嘔者十棗湯下之

自汗頭痛乾嘔桂枝湯

少陰下利乾嘔脈微白通湯下利不止乾嘔而煩厥

逆無脈白通加猪膽汁湯

惡寒壯熱脈微欲絕乾嘔通脈四逆湯

膈上有寒飲乾嘔亦屬少陰四逆湯

乾嘔吐痰沫頭痛吳茱萸湯得此湯反劇者與小柴

乾嘔吐痰沫頭痛吳茱萸湯得此湯反劇者與小柴

胡湯五藥未配即是寒裏寒也又曰乾嘔者手足乾嘔自利黃芩湯半夏夏生姜湯太陽中風陽浮陰弱自汗惡風寒發熱鼻鳴乾嘔者桂枝湯乾嘔嘔者手足厥者橘皮湯

夫咳逆者俗謂之吃忒是也纔發聲於喉間則遽止吃忒然連續數聲然而短促不長古人謂之噦者非也噦與乾嘔無異但其聲瀟惡而長然皆有聲而無物病至於噦則危難治矣大抵餽近於噦餽者但胸間氣塞不得下通噦則惡瀉之聲達於外矣蓋因胃

氣本虛汗下太過或腹飲水水寒相搏虛逆而成經曰陽脈浮則為氣諠又曰脈滑則為噦此為醫者責虛取實之過也又有執氣擁鬱上下氣不得通而噦者輕則和解之通利之甚則溫散之設若不尿腹滿而噦者咳逆脈散而無倫者雖神醫不能措手與傷寒咳而氣逆者又不同也若將噦忒紊於噦與咳而氣逆則誤人多矣臨病之際宜明辯之效嗽大便少與大承氣湯下之蓋由熱氣衝膈肝肺故耳若便軟瀉心湯胃氣虛而衝脈逆也若脈散者不治咳逆潮熱小柴胡加橘皮生姜湯

厥逆不止烏苓湯有寒者羌活附子散

傷寒表不解心下有水氣乾嘔發熱而咳或譫小青

龍湯去麻黃加附子白茯苓黃芩細辛甘草

寸口脈浮大醫反下之爲逆又飲冷水令汗大出水

得寒氣冷必相搏其人卽餽豈菟湯豈菟與芎

噦而腹滿大便不利先宜半夏湯次用承氣湯

小便不利猪苓湯

陽明中風脈浮弦小便難潮熱而噦小柴胡湯加茯苓

苓白芍藥黃芩

嘔噦手足冷逆小橘皮湯

木香附子乾薑

君胸滿虛煩大橘皮湯枳實

胃氣寒者吳萸茱萸理中湯温中湯乾薑

金匱要略曰噦逆者橘皮竹茹湯主之宜參朮

噦不止者橘皮乾姜湯半夏夏生姜湯退陰散子宜消

息用之

温病熱未除重被暴寒入胃蘊結不散變噦梓皮飲

子白芍藥

温病有熱飲水暴冷作噦茅根高根湯茵陳

温病胃冷變噦茅根橘皮湯白芍藥

温病有熱飲水暴冷枇杷茅根湯

傷寒表邪傳裏裏虛助熱則自下利又有不應下而  
便攻之內虛協熱亦爲下利要當別其陰陽三陽下  
利自太陽下利手足溫少陰厥陰下利身涼無熱此  
大槩也自利清穀不渴小便色白微寒厥冷惡寒凡  
此皆寒渴欲飲水溺色如常泄下赤黃發熱後重凡  
此皆熱蓋因風邪入胃水來侮土故令暴下或溫或  
攻或清下焦或利小便隨證施治但不宜發汗耳邪  
氣內攻復泄其津液胃氣轉虛必成脹滿若夫下利  
譫語而目直視下利厥噪不得眠下利發熱厥而自

汗下利厥冷無脈灸之不溫而脈不出下利日數十  
行其脈反實皆爲不治之證五者最忌者也

太陽陽明合病下利頭目痛鼻乾脈浮葛根湯宜用

太陽少陽合病下利頭痛滿乾嘔脈浮弦黃芩湯

嘔甚加半夏生薑 煎口中薄氣此不恒感實用不

少陽陽明合病下利身熱胸脇滿乾嘔往來寒熱脈

長大而弦弦而爲負負者死長大不弦爲順大承氣

湯下之 煎白散承氣湯大承氣湯

滑而數爲有宿食亦從下之太陽病未解而欲下之

遂熱而利心下痞硬表裏不解者桂枝人參湯

太陰自利不渴四逆湯理中湯木附湯入參湯

少陰下利不渴腎虛飲水自救脈微者白通湯

厥逆無脈者白通加猪膽汁湯四逆湯

少陰下利渴而嘔止煩不得眠者猪苓湯

少陰下利咽痛胸滿心煩者猪膚湯

自利清水心下必痛口中乾燥此不可溫宜用下大

承氣湯

傷寒醫下之續得下利清穀身痛者急當救裏宜四

逆湯清便自調急當救表宜桂枝湯

胃熱利白腹垢臍下必熱便下垢膩赤黃或溇黃

湯白頭翁栢皮湯通用之白虎湯

胃寒利白鴨溇濟下必冷腹脹滿便中清白或清穀

四逆湯理中湯寒毒下利面帶陽者下虛也下利譫

語有燥屎也脈不微細小承氣湯

尺脈弦腸鳴泄利腹痛者冷痛也小建中湯三部平

心硬而下利者腸胃積結也宜下之大承氣湯

下利脈滑當有所去下之乃愈大承氣湯下利脈大

者虛也以其強下之故也設脈浮韋因爾腸鳴者當

歸四逆湯

下利差後至其年月復發者以痛不盡故也宜下之

大承氣湯

便膿血

衝脈爲血之海卽血室也男女均有此血氣均有此衝脈衝之得熱血必妄行在男子則爲下血譫語在婦人則爲寒熱似瘧皆爲熱入血室逼血下行則血熱而利也挾血之脈乍滿乍數或伏或沉血熱交併則脈洪盛大抵男多於左手女多於右手見之又有陰寒爲病下利便膿血者乃下焦虛寒腸胃堅固清濁不分而利下膿血也二者一爲挾血一爲陰寒臨病宜精別焉

太陽病不解熱結膀胱其人如狂而血自下者愈不愈用桂枝湯明理論抵當湯

陽明病下血譫語胸脇滿如結胸夜則見鬼此爲熱入血室小柴胡湯

少陰病下利便膿血者桃花湯

腹滿身熱下如魚腦曰濕毒桃花湯地榆散黃連阿膠湯

下後無表裏證脈數不解散消穀易飢多日不大便此爲瘀血桃仁承氣湯抵當湯或小柴胡湯加桃仁

大黃

下焦畜火其人如狂小腹急結小便必利拈當丸

丸爲四逆者承氣湯當急下小柴胡湯則

手足不溫謂之四逆邪在表則手足熱邪在裏之

間則手足溫至於邪傳少陰則手足有逆冷之證與

厥陰又相遠也然自執而至溫自溫而至厥乃傳經

之邪輕則四逆散重則承氣湯下之非若得病手足

便逆而不溫者四逆湯溫之則爲陰經受邪而陽氣

不足也其或吐利煩燥厥逆膝肝皆屬少陰又爲不

治之證

少陰病四逆其人或咳或悸或小便不利或腹中痛

瀉或利下重並四逆散治之

初病以來厥冷四逆即四逆湯

手足逆冷大便閉小便赤或大便黑色脈沉而滑此

爲陽證以白虎湯甚者大承氣湯

厥逆

陽氣伏藏陰氣越出陰陽不相順接所以厥也若先

熱而後厥者乃熱邪伏於內也先厥而後熱者乃陰

退而陽得復也

若始得病便厥者是陽不足而陰勝也熱浮於內者

其脈沉而數狂言發渴露手揚衣燥不得眠或大便

明理編論 卷六  
閉初便厥者其脉沉遲而弱醒醒而靜惡寒引衣或下利清穀也其或惡寒踈卧煩燥下利不知入皆為惡候故曰逆也

先發熱而後厥者揚手擲足煩燥飲水畏熱頭汗大便閉小便赤佛鬱昏憒當下失下血氣不通所以謂熱深則厥者此也大柴胡湯小承氣選而用之

初病便厥足攣惡寒引衣自蓋不渴大小便自利默而惶惶諸四逆選用之  
傷寒厥而心下悸者宜先治悸茯苓桂枝湯後治厥四逆湯吐利厥逆煩燥欲死者吳茱萸湯當歸四逆

湯仍灸大谿

不大便

不大便謂大便難也皆因發汗利小便耗其津液以致腸胃乾燥而轉屬陽明裏者多矣其小便自數者則為津液偏勝故使大腸亦難也若下若發汗小便數大便硬者與承氣湯和之謂津液內竭也又有不宜便下者至於脉浮脉虛惡寒此尤帶表邪乃不可下其嘔吐為邪未入腑雖有陽明證不可攻之小便清者知邪不在裏仍在表也大便難小便少不轉失氣此內無燥屎也但初硬後溏爾陽明脉浮或經發

汗小便溇利不大便者亦津液內竭宜蜜導煎通之  
 經曰其脈浮而數能食不大便此為實名曰陽結也  
 宜大柴胡湯若不了了得屎而解其脈沉而遲不能  
 食身體重大便反難名曰陰結也宜金液丹  
 傷寒不大便六七日頭痛有熱者小承氣湯  
 病人不大便六七日繞臍煩燥發作有時者此為屎  
 硬不得大便小承氣湯  
 夫病陽明者下之則硬汗多極發其汗則亦硬並小  
 柴胡湯  
 陽明病脇下硬滿不大便而嘔舌上白胎小柴胡湯

少陰病六七日腹脹不大便急下之大承氣湯

若發汗若利小便津液內竭大便自難者不可攻之  
 無陰陽強大便者下之必清穀脹滿並用蜜膏煎

諛語鄭聲附

經曰邪氣盛則實精氣奪則虛故實則諛語虛則鄭  
 聲傷寒胃中熱盛上乘於心為熱胃則神識昏迷妄  
 有所見而言也輕者睡中呢喃重者不睡亦語亦有  
 諛語者有獨語者有語言不休者有言亂者凡此見  
 其熱之輕重也大抵熱入于胃水涸屎燥必發諛語  
 又有被火劫者有亡陽者名各不同但氣短者死脈

自和則愈或喘滿氣逆而上奔自利柔脫而奪下皆爲逆也譫語者脉洪數大便閉小便赤手足溫與調胃承氣湯調胃承氣湯胃實譫語身熱汗多便難或潮熱譫承氣湯選用之發汗多亡陽譫語身自和不可下柴胡桂枝湯下利譫語爲有燥屎脉不微細小承氣湯利不止者不治

三陽合病譫語者脉滑石身重難以轉側口中不仁面垢遺尿不可汗下與白虎湯白虎湯傷寒大熱乾嘔呻吟錯語不得眠犀角解毒湯

得病無熱但狂言煩燥不安精采不與人相當與五苓散二錢以新汲水吐之則愈一法用猪苓湯瘀血狂言譫語漱水大便黑色小便多身黃腹滿此爲當汗不汗皆熱在裏輕者犀角地黃湯甚者桃仁承氣湯抵當丸

婦人熱入血室晝靜夜譫如見鬼狀小柴胡湯

陽明病其人喜忘必有瘀血抵當丸

鄭聲者重語也又爲不正之音也傷寒鄭聲如鄭衛之音不正也蓋因後汗若病人本音失而正氣虛則鄭重語不知高下乃精氣奪之候也其脉微細二便

利用白虎湯音下八林果全之類也其補藥則  
音小便不利小便難附詠入本音大前五泉  
邪氣聚於下焦結而不散甚則小腹硬滿而不痛此  
小便所以不通大抵有所不利者行之所以滲泄也  
若飲水過多下焦蓄熱或中濕發黃水飲停留皆以  
利小便爲先惟汗後亡津液胃汁乾與陽明汗多者  
則以利小便爲戒設或小便不利而見其汗者乃爲  
陽脫關格之疾矣木大野星音小便  
飲水過多下焦蓄血熱小便不利脈浮者用五苓散  
脈沉者豬苓湯音風氣不安

太陽病身黃脈沉者豬苓湯音黃熱血  
太陽病身黃脈沉結小腹硬小便不利者爲亡血也  
五苓加茵陳嘔而發熱腦滿心下怔忡小便不利者  
爲亡血也五苓加茵陳茯苓音  
少陰病四逆或小便不利四逆散加茯苓

陽明病無汗小便不利心下懊懣者身必發黃五苓  
散加茵陳經曰虛則小便難陰虛者陽必湊之由膀胱  
受熱致小便赤澀而不流利也又曰雖不大便也  
六七日而小便少者但初硬後溏未定或硬攻之必  
溏縱小便多尿定硬方可攻之乃胃中有穀不別雖

通而不能也

陽明中風脉浮弦大身黃鼻乾氣短腹滿潮熱時噦

心脇痛小便難小柴胡茯苓味也又曰難不大則也

太陽病小便利者以飲水多必有心下悸茯苓白朮

甘草湯小便少者必裏急猪苓湯音良必發黃正令

小便自利小便數遺溺附音味茯苓

小便自利者為津液漏滲大便必硬宜以藥微下之

其陽明自汗者復發其汗使津液內竭屎雖硬尤不

可攻縱使大便難蜜導煎導之太陰當發身黃其小

便自利者則濕熱內泄不能發黃惟血證則腹急而

如狂腎與膀胱虛則不能約制水液二者皆小便自

利若腎與膀胱虛而挾熱熱則水道澀則小便不快

故澀淋而數起也若自汗而小便數者雖有表證又

不可用桂枝謂亡走津液也南文火色本益以津液

太陽病小便自利以飲水多心下悸茯苓桂枝茯苓

甘草湯白飲瀉

太陽自汗四肢拘急心煩微惡寒脚攣急小便數誤

服桂枝湯得之便厥與甘草乾姜湯甘草芍藥湯

脈浮自汗小便數胃不和譫語者少與調胃承氣湯

陽明脈浮而澀浮則胃氣強澀則小便數浮澀相搏

大便則難其脾爲約宜麻仁湯  
少陰四逆小便自利或色白爲虛寒四逆湯或真武湯去茯苓既吐且利小便復利而大汗出下利清穀內寒外熱脈浮欲絕者四逆湯  
甘草舌上白胎臟結附

經曰舌上如胎者以丹田有熱胃中有寒謂寒氣初傳入裏也舌乃心之官法應南方火色本紅乃邪氣在表舌則無胎又邪氣在裏津液結搏則舌上生胎而滑熱氣漸深其舌胎燥而澁熱聚於胃其舌胎爲之黃矣若間黑色則熱已深病已極篤經曰舌熱病

口乾舌黑者死乃腎水刑於心火也

脈陰陽俱緊口中氣出唇口乾燥踈卧足冷鼻中涕出舌上滑胎者勿妄治也到七八日以來其人微發熱手足溫者此爲欲解或八日已上反大發熱者此爲難治設使惡寒者必欲嘔也小柴胡湯加生姜

腹內痛者必欲利也理中湯

太陽誤下胃中空虛客熱動膈懊懣舌胎梔子豉湯少陽病脇下硬滿不大便而嘔舌上白胎小柴胡湯陽明病舌上生胎五苓散舌黃者當下之金匱要略曰舌黃者未可下黃自去也

臟結者臟氣秘結而不流布也一息不運機緘窮一毫不續窮壞判臟其可結乎外證如結腦狀但欲食如故時時下利爲異耳其脉寸浮關沉而緊陰筋引臍腹俱痛是也病人脇下素有痞連臟結無陽證不往來寒熱其人反靜舌上胎滑者不可攻也刺開元灸之亦可仍與小柴胡湯加生姜 柴胡 枳實 芍藥

咽痛

首九論喉痛 八日 九日 又 大柴胡湯

咽喉不利或痛或癢不可納食皆毒氣上衝所致經曰太陽病下之脉緊者必咽痛以太陽之邪搏於少陰也少陰之脉循喉嚨挾舌本少陰咽痛脉浮遲厥

冷或吐利亦屬少陰並不可汗下用桔梗湯猪膚湯甚者半夏散通脉四逆湯去芍藥加桔梗汗不止藜本温粉撲之咽中生瘡不能言語聲不出者苦酒湯若傷寒六七日大下後寸脉沉遲尺脉不至咽喉不利齧血膿手足厥利不止者難治宜麻黄升麻湯腎傷寒一證乃非時暴寒伏於少陽之經頭痛腰痛脉微弱初咽痛以傷寒後必下利咽痛半夏桂枝湯即半夏散利四逆湯

陽毒咽痛見發斑條咽中閉塞烏扇湯口瘡赤爛蜜浸黃柏喻咽痛甚者升麻六物湯

頭眩

少陽居表裏之間表邪傳裏表中陽虛故頭眩也又  
 有發汗吐下後而眩者亦陽虛所致也若少陰病下  
 利止而頭眩時自冒者此虛極而脫而風家亦有眩  
 者風主運動故也其或諸逆發汗劇者言亂目眩而  
 死也  
 太陽病若下之因復發汗以此表裏俱虛其人必眩  
 胃冒家汗自出而愈  
 陽明病但頭眩不惡寒故能食而咳茯苓白朮甘草  
 桂枝湯

少陽之為病口苦咽乾目眩小柴胡湯  
 太陽病發汗汗出不解其人仍發熱心下悸頭眩身  
 瞶動振振欲擗地真武湯  
 吐汗下後虛煩脈微沉緊心下癖脇下動氣咽喉眩  
 冒身搖筋脈動惕久而成痿茯苓桂枝白朮甘草湯  
 痿用括萎湯

鼻衄

經絡熱盛迫血妄行出於鼻者為衄血也是雖熱其  
 邪尤在經然亦不可發汗經口以桂枝麻黃治衄非  
 治衄也乃欲散其經中邪氣耳衄血故為欲解若衄

不止而頭汗出其身無汗及發熱汗不至者又爲惡證當明辯之  
太陽證衄血及服桂枝湯後致衄者爲欲解也屬犀角地黃湯衄不止茅花湯無汗能食者即欲衄黃芩湯

衄家不可發汗汗出必額上陷脈緊急直視不能眇不得眠芍藥地黃湯

陽明病渴欲漱水不嚥者必衄黃芩芍藥湯

不囚下而自利加衄者麻黃升麻湯脈浮大欲發熱下利鼻衄乾嘔者黃芩芍藥衄煩而復渴欲飲水

入即吐先服五苓散次服竹葉石膏湯

少陰病但厥無汗強發之必動其血或從口鼻或自目出名下厥上竭爲難治當歸四逆湯仍灸太谿三陰交湧泉一法用黑錫丹

衄血

諸陽受熱其邪在表當汗不汗致使血毒入臟積瘀於內遂成吐血凡見眼閉目紅神昏語短眩冒迷妄煩燥漱水狂驚譫語鼻衄唾紅背冷足寒四肢厥逆胸腹急滿大便黑利小便頻數皆瘀血證也不必悉具但見一二便作血證主張初得此病急宜用藥至

於陸續不已經數時而腹痛者此又難於料理也  
經曰腹桂枝湯吐者其後必吐膿血犀角地黃湯大  
下後寸脈沉遲尺脈不至咽喉不利唾膿血者麻黃  
升麻湯此有兩證一陽毒一陰毒陽毒用升麻湯陰  
毒用甘桔湯加半夏生姜不代桂枝血毒入熱飲  
脈浮發熱及灸之必咽喉吐血救逆湯

咽喉閉塞不可發汗發熱則吐血氣欲絕手足厥冷  
踈卧不能自溫當歸四逆湯其血短發口鼻

大自心悸頭正發熱則於寒宜當湯飲飲水

心悸者築築然動怔忡不能自安者是也其證有二  
一者氣虛一者停飲其氣虛者陽氣內弱心中空虛  
而爲悸又有汗下之後正氣內虛亦令人悸與氣虛  
而悸者則又甚也法當定其氣悸也其停飲者由飲  
水過多停留心下心火畏水不能自安而爲悸也治  
法必先分水氣雖有餘邪亦先治悸免使水氣散走  
而成他證也

傷寒二三日心中悸而煩小建中湯經云先煩而悸  
者此爲熱先悸而煩者此爲虛故宜建中湯

太陽病小便利者以飲水多故心中悸茯苓桂枝白

木甘草湯小便少者必裏急猪苓湯  
陽明病壯熱來往心下悸小便不利心煩喜嘔小柴  
胡湯二三日心中澀而煩小柴中澀澀天黃散而  
太陽病發汗過多其人又手自胃心下悸欲得按者  
桂枝甘草湯  
發汗後其人臍下悸欲作奔豚茯苓桂枝白朮甘草  
湯  
太陽病發汗不解仍發熱心下悸頭眩肌體瞤動振  
振欲擗地真武湯  
少陽病耳聾目赤腦滿而煩妄加吐下則悸而驚與

小建中湯有熱者小柴胡湯  
少陰病四逆其人或悸四逆散加桂枝心下有水氣  
厥而悸當先治水茯苓甘草湯不然水入胃中必不  
利也  
傷寒脈結代心動悸炙甘草湯

內經曰濕熱相交民多病痺痺者單陽而無陰也太  
陰脾土為濕熱所蒸則雖見於外必發身黃濕氣勝  
則如薰黃而晦熱氣勝則如橘黃而明傷寒至於發  
黃熱勢已極且與畜血大抵相類小便不利為發黃

小便自利爲畜血也。設或寸口無脈鼻出冷氣與夫形如烟薰搖頭直視環口鷺黑舉體發黃是皆具臟氣絕也。心氣熱而蒸則變長於心發也黃感於脾傷寒瘀血在裏身必發黃麻黃連翹赤小豆湯。太陽中濕發黃身熱頭痛目黃汗出濕在裏五苓散。梔子蘗皮湯。心連發於甘草也茯苓桂枝白朮湯。濕家之爲病一身盡痛發熱身雖如似熏黃小便不利五苓散。小便自利未附湯身煩痛麻黃湯加蒼朮。脈浮身重汗出惡風防已黃耆湯。心下有水陽明病脈遲食難用飽飽則微煩頭眩必小便難此

欲作殺疸雖下之腹滿如鼓殺疸湯五苓散加茵陳。陽明傷寒發黃易飢短氣腹滿鼻乾咽燥心脇痛小便難潮熱咳嗽頭眩嗜卧脈絃浮大小柴胡湯加茯苓。茯苓黃芩木食又爲何藥也

血證發黃如狂小便多大便黑犀角地黃湯桃仁承氣湯抵當湯選用之。五苓散赤小豆不詳神效黃疸脈浮滑緊數頭面汗出渴飲水漿小便不利茵陳蒿湯調五苓散。茵陳蒿湯藥初發黃以瓜蒂末口噙水搐鼻中黃水出愈。

發狂

難經曰重陰者顛重陽者狂傷寒熱毒在胃併入于心遂使神不寧而志不定也故發狂始則少卧不飢妄語妄笑甚則登高而歌棄衣而走踰垣上屋皆獨陽亢極熱之所致非大下之不能止也亦有當汗不汗瘀熱在裏下焦畜血如狂者小便不利時如狂未至于狂耳若夫狂言直視便溺自遺其與汗後大熱脈燥狂言不食又爲可慮也

重陽即陽毒脈數實狂走錯語煩燥乾嘔面赤咽痛潮熱發狂或下利黃赤陽毒升麻黃芩湯心細脈時行熱病發狂黑奴丸經曰太陽病不解熱結膀胱

其人如狂而血自下者愈若外不解與桂枝湯外已解但小腹急結桃仁承氣湯脈洪而渴血證如狂脈微身黃唇燥嗽水無寒熱小腹滿小便不利大便黑犀角地黄湯甚者桃仁承氣湯抵當丸取下黑物爲効

筋惕肉瞤

內經曰陽氣者精則養神柔則養筋發汗過多津液枯少陽氣偏虛筋肉失所養故惕然而跳瞤然而動非溫經助陽不可也張氏故特設直武湯以救之或因發汗吐下後表裏俱虛而有此狀者此又逆之甚

矣  
大陽病發汗不解發熱心悸頭眩身瞶欲擗地真武湯  
發汗過多或虛弱人微發汗或傷風自汗妄用大青龍湯便有厥逆筋惕肉瞶之證並屬真武湯羸者去芍藥有熱者去附子應發而腹中左右有動氣者並不可汗汗之則筋惕肉瞶或頭眩汗出不止其後最逆先宜防風白朮牡蠣湯次服小建中湯十枚一二吐下之後心下逆滿氣上衝脘起則頭眩脈沉緊身振搖者茯苓桂枝白朮甘草湯久而成痿者通用心

下痞滿者枳桔湯加茯苓甘草

多眠汗下附霍亂

夫衛氣者晝行於陽夜行於陰行陽於寤行陰於寐陽氣虛陰氣盛則目瞑故多眠乃邪氣傳於陰而不  
在陽也昏昏閉目陰自闔也默默不言者陰主靜也  
經曰太陽病十日已去脈浮細嗜卧者外已解也鼻  
乾不得汗嗜卧者風熱內攻不干乎表故熱氣伏於  
裏則喜睡也三陽合病但欲眠睡目合則汗譫則有  
熱也見盜汗其胃熱亦嗜卧也風溫狐惑亦有是證  
又當辯之

太陽病十日脈浮細者吐者外雖已解設胸滿脇痛  
鼻乾不得汗者小柴胡湯脈但浮者麻黃湯  
少陰病但欲寐尺寸俱沉細者四逆湯  
少陰病欲吐不吐心煩多寐尺寸俱沉細者四逆湯  
少陰病欲吐不吐心煩多寐五六日自利而渴小便  
白者則止矣

其濕霍亂死者少乾霍亂死者多若止不得吐下不  
得利所傷之物不得出泄壅閉正氣陰陽懸隔喘脹  
而死素聞食飲有節起居有常安得有霍亂也 霍  
亂頭痛發熱身疼痛熱多欲飲水五苓散寒多不飲

水者理中湯吐利汗出脈微惡寒手足厥冷拘急四  
逆湯腹滿而痛四肢拘急轉筋下利理中湯加附子  
官桂加減詳見本方

吐利止身痛不休桂枝湯既吐且利小便復利而大  
汗出下利清穀內寒外熱脈微欲絕者四逆湯  
吐利止但汗出而厥四肢拘急不解脈微欲絕者通  
脈四逆加猪膽汁

陰陽易陰陽交

凡男子陽易婦人陰易者病新瘥而動淫慾也其候  
身重氣之小腹絞痛頭不能舉足不能行四肢拘急

百節解散眼中生花手足拳攣其脉離經皆不可治  
或榮衛精髓竭翁翁少氣手足不能舉者而死汗外  
傷六氣內傷七情其爲害若是耶

燒視散微鼠屎湯竹皮湯乾姜湯青竹茹湯當歸白  
朮湯宜選用之而厥四逆散意不難測於陰陽虛  
陰陽交者温病不得發汗汗之復生大熱狂言不食  
其脉燥疾是也皆不治若脉浮數表證尤在可再汗  
之若脉沉實則爲胃實又從汗下之後復熱者同此  
法再汗用桂枝湯再下用承氣湯

拂鬱

拂鬱者陽氣蒸越形於頭面體膚之間聚赤而不散

瘰癧者瘰則急而縮癧則緩而伸熱則生風風主乎  
瘰癧者瘰則急而縮癧則緩而伸熱則生風風主乎

動故筋脉相引而伸縮傷寒至於瘰癧可謂危矣能  
以祛風蕩熱之劑減其大勢間有可治者治法與瘰  
同

戰慄

戰慄者陰陽爭戰故身爲之搖也邪氣外與正氣爭  
則爲戰邪氣內與正氣爭則爲慄戰者正氣勝故有  
得汗而解者慄則不戰而但鼓頷遂成寒逆此陰氣

內熱正不勝邪宜姜附四逆湯加灼艾以禦之經曰陰中于邪必內慄也又云邪中下焦陰氣為慄足膝逆冷便溺妄出皆此類耳方在惡寒條四逆湯甘草乾姜湯若復燥而不得卧者不治

時行兩感

時行者春應暖而反大寒夏應熱而反大涼秋應涼而反大熱冬應寒而反大溫此非其時而有其氣是以一歲之中長幼之病多相似者此即時行之氣春感寒邪在肝升麻葛根解肌湯夏感寒邪在心調中益氣湯射香湯半夏桂枝甘草湯秋感濕邪在肺白

虎加蒼朮發黃茵陳五苓散冬感寒邪在腎名曰冬溫括萎湯溫疫通用人參敗毒散升麻葛根湯從春分以後至秋分節前天有暴寒者皆為時行寒疫宜用辛溫藥發散

傷寒兩感半屬於陰半屬於陽臟腑俱受病一日太陽少陰俱病則頭疼口乾煩滿而渴二日陽明太陰受病則腹滿身熱不欲食譫語三日少陽厥陰俱病則耳聾囊縮而厥水漿不入口不知人者六七日死長沙無治法但九兩感病俱作治有先後發表攻裏本自不同後人以意消息謂如下利不止身體疼痛

當先救裏與四逆湯清便自調與桂枝湯然治有先後之說後之說太陽先受病在表先解表少陰先受病在裏先救裏太表者裏不可緩也先裏者表亦不可緩也此通權變之論也不得眠不得眠者氣逆口燥而喘而喘二日則大便不得眠不得眠于朝半滿于則燥而具受風一日太陽陽盛陰虛則晝夜不得眠蓋夜以陰為主陰氣盛則目閉而卧安若陰爲陽所盛故終夜煩擾而不得眠也所謂陰虛則夜爭者是也汗出鼻乾不得卧則邪在表也若胃有燥屎與大熱錯語及大汗胃中汁乾

而不得卧則爲邪在裏也胃不和則卧不得安故宜散熱和胃若汗吐下後虛煩不得眠又從施子豉湯以瀉之至于少陰病熱煩于內而不得眠又宜扶陰散熱若瘥後不得眠者則熱氣與諸陽相併陰氣未復也有汗下太過陽氣暴虛而不得眠者若無熱證又宜湯附湯以退陰復陽也此又不可不知

太陽病二三日不能卧但欲起心下結脉微弱者此本有寒今反下之若利止必結胸未止三四日復下必協熱而利結胸理中丸協熱而利白頭翁湯少陰利下欬而嘔渴心煩不得眠者猪苓湯此停水

也若二三日心煩不得眠黃連阿膠湯

病人小便不利大便乍難乍易時有微熱喘冒不能

卧者有燥屎也大承氣湯

下之後復發汗晝則煩燥不得眠夜則安靜不嘔不

渴無表裏證脈沉微身無大熱者乾姜附子湯

吐下汗後心中愴懷虛煩不得眠梔子豉湯陽勝陰

則狂眠亂夢心煩之氣者酸棗湯陰勝陽則驚悸昏

沉大熱乾嘔呻吟錯語不得眠犀角解毒湯中風汗

出脈濡而弱厥而且寒燥不得眠小建中湯煩燥竹

葉石膏湯

瘧後飲酒煩惡乾嘔口燥呻吟錯語不得眠犀角解

毒湯

發斑

大熱則傷血血熱不散裏實表虛熱氣乘虛出于皮

膚而為斑也輕則為疹子甚則為錦紋或病本屬陽

誤投熱藥或當汗不汗當下不下或汗下未解皆能

致此大抵有兩證一者溫毒即春時發汗下不解邪

氣不散故發斑也一者熱病即冬時溫煖垂戾之氣

遇春暄熱而發斑也不可誤汗若發其汗重令開泄

更加班爛也然而斑之方萌如蚊跡類焉發斑多見

于胸腹蚊跡只在手足陽脈洪大病人昏憤先紅  
 後赤者斑也脈不洪大病人自靜先紅後黃者蚊跡  
 也其或大便自利拂鬱氣短燥屎不通又如果實腐  
 者雖盧扁復生亦不能施其巧凡汗下不解煩悶咳  
 嗽嘔吐足冷不溫便是發斑之候  
 溫毒發斑黑膏主之渴而心悶下利嘔吐下部有瘡  
 或口瘡黃連檮皮湯葛根湯楮皮湯陽毒發斑狂顛  
 妄言面赤咽痛身斑如錦下利赤黃升麻湯麥奴丸  
 有下證調胃承氣湯

時氣發斑大青四物湯猪膽雞子湯

發斑通用升麻湯犀角地黃湯  
 熱多者玄參升麻湯黃連一物湯青木香一物湯  
 凡赤斑五死一生黑斑不救

動氣者臟氣不調築築跳動隨臟所主而形見於脉  
 之左右上下也難經各藏載之又有真氣內虛水結  
 不散氣與相搏即發奔豚以其從氣衝突如豚之奔  
 皆不宜汗下然而獨不言脾當臍之有動氣者脾為  
 中州以行津液妄施汗下必先動脾是以不言而喻  
 也左右上下不宜汗下何況中州之氣其敢輕動之

乎傷寒所以看外證爲當者蓋不在脈之可見必待問之可得發汗下其可輕舉哉  
動氣通用理中湯去白朮加桂白朮燥腎閉氣故去之桂泄奔豚加之一法用柴胡桂枝湯亦良三方當看有熱無熱動氣在左發汗則頭眩汗下不止筋惕內矐爲逆先宜防風白朮牡蠣湯汗必與建中湯動氣在右發汗則衄而渴心若煩飲則吐先宜五苓散後與竹葉石膏湯

動氣在上發汗則氣上衝心桃根湯動氣在下發汗則心中大煩骨節疼痛目暈食入即吐先宜大橘皮

湯後與小建中湯動氣在左不可下下之則腹滿拘急身雖熱反欲券先宜甘草乾姜湯後與小建中湯動氣在左下之則津液竭咽乾鼻燥頭眩心悸宜竹葉石膏湯動氣在上下之則腹滿清穀心痞頭眩宜甘草瀉心湯

蛔厥狐惑

蛔厥屬厥陰病人素有寒妄發其汗或汗後身有熱又復汗之以致胃中虛冷飢不欲食食即吐蛔而乍靜乍煩者蛔或上而或下也虫聞食臭必出所以食即吐虫也蛔厥先用理中九次用烏梅丸若誤下之

利不止用四逆湯與中大水用湯無大效者之  
狐惑失靈皆虫證也蓋腹中有熱入食無多腸胃空  
虛故三虫求食而食人之五臟也其候四肢沉重惡  
聞食氣默默欲眠目不能閉噤齜面眉間赤白黑  
色變易無常虫食下部爲狐下唇有瘡其咽乾虫食  
其臟爲惑上唇有瘡其聲啞治霍通用桃仁湯黃連  
犀角湯雄黃散無陽者用金液丹厥陰爲病消渴  
氣上衝心飢不欲食食即吐虵曰胃寒復有消渴之  
證蓋染其上焦而中焦則但寒無熱矣又有大便難  
一證並用理中湯加大黃入蜜少許微利之

百合病

百合者百脉一宗舉身皆受病無復所謂經絡傳次  
也大病虛勞之後臟腑不平變而成此其狀似寒無  
寒似熱無熱欲食不食欲臥不卧欲行不行口苦便  
赤藥入即吐利也其脉微數每尿則頭痛六十日愈  
頭痛者但漸漸然惡寒者四十日愈若尿則快然但  
頭眩者二十日愈百合知母湯百合地黃湯滑石代  
赭湯雞子湯百合洗方可選用之

不仁

不仁謂不柔和也經曰諸虛承寒則爲鬱胃不仁蓋

其血氣虛少不能週流於身是為邪氣所伏故肌體  
頑麻不知痛痒寒過厥如尸而鬱且冒也諺或脉浮  
而洪身汗如油喘而不休水漿不下形體不仁又此  
為命絕也十日愈百合味丹為百合散黃芩散亦  
經曰少陰脉不至腎氣微精血少寒氣上奔血結心  
下陽氣退下熱歸陰脉與陰相動人之身不仁此為  
尸厥以鬱胃不仁為可刺之而得痊者實神醫之診  
也甘草乾姜湯桂枝芍藥湯加乾姜桂枝麻黃各半  
湯宜消息選用之

霍亂

霍亂者上吐下利揮霍而撩亂者是也邪在上焦吐  
而不利邪在下焦則利而不吐邪在中焦既吐且利  
然胃氣為邪氣所傷陰陽乖隔遂上吐而利也乃謂  
霍亂其餘但稱吐利者有以異也故以乾霍亂死者  
多濕霍亂死者少吐利則所傷之物得以泄出胃中  
水穀盡也其證則有異焉大便硬而氣短者實也汗  
下後而得嘔者虛也當詳究之

太陽初得病發汗不徹併于陽明續自微汗出面色  
赤者陽氣拂鬱也解肌湯

或汗久不徹其脉浮緊與麻黃湯

小便不利時有微熱大便乍難拂鬱不得卧此燥屎裏實也承氣湯主之

汗下後虛熱又復下之其人拂鬱復與之水因而成噦此胃中寒也桂枝人參湯加茯苓

木槿瘥後昏沉阻氣異蒸大男變而氣鼓音實出下傷寒瘥後半月以來十餘日終不惺惺錯語少神或寒熱似瘧或潮熱頰赤醫以風溫治之非也是由發汗不透寒熱在心包絡間也

瘥後昏沉不醒知母麻黃湯取微汗胃脘有熱虛煩而嘔竹葉石膏湯加生姜嘔吐不已膈上有塞理中

九

瘥後從腰以下有水牡蠣澤瀉散

瘥後日暮微煩以其病方瘥強與穀食不消也損穀則愈矣

傷寒四證類玄出指掌圖

痰證

外證增寒壯熱惡風自汗胸滿氣上衝咽不得息但身不疼項不強若延多者亦隱隱頭疼脈有寸浮者亦有寸伏者以意參之柴胡半夏湯金沸草散大半夏湯氣上衝者瓜蒂散吐之

亦頭疼惡寒身熱但左手脉平和右手脉緊疑為  
食也夫橋皮湯二陳湯心腹滿痛大柴胡湯下之胎  
滿嘔吐瓜蒂散吐之自下兩前尿土澀即不覺息也

虛煩

諸虛煩熱與傷寒相似但不惡寒頭不疼身不痛為  
異耳表既虛不可汗裏不實不可下叔和云虛煩有  
熱不可攻過熱以其誤攻致絕與表實不攻而發  
傷寒傳足不傳手所以寒濕之氣發于足則類傷寒

遲身涼胸脇滿如結胸狀謔語者此為熱入血室當  
刺期門隨其實而瀉之

婦人傷寒發熱經水適來晝日明了暮則謔語如見  
鬼狀此為熱入血室無犯胃氣及上中二焦必自愈  
婦人中風七八日續得寒熱發作經水適斷此為熱  
入血室其血必結故如瘧狀小柴胡湯

陽明下血謔語此為熱入血室但頭汗出者刺期門  
隨其實而瀉之泚然汗出而愈

婦人熱入血室有二經水適來二條不言藥者蓋以  
經血方來熱氣乘虛而入經血止則熱亦出矣故不

可用汗下藥犯其胃氣及上中焦如其胸滿諸語此  
內實也刺期門以瀉之若經水適斷續得寒熱其血  
必結故用小柴胡湯若陽明熱入血室此男子失血  
之證但當刺以瀉熱也入血室曰腹中結胸下血脈閉  
人血室其血必結故攻脈禁小柴胡湯

婦人中風十八日蘇者寒濕然非發水也瀉此為瀉  
也若此為熱入血室無外胃房又上中二焦必自愈  
婦人惡寒發熱發水血來晝日即愈暮則語語攻其  
陳明謂其實而瀉之

傷寒明理續論卷之六

論語卷之六

Small rectangular paper label with illegible characters, likely a library or collection mark.